

四庫全書

史部

欽定四庫全書

史部

欽定皇輿西域圖志卷二十七

詳校官通政使_臣夢吉

檢討_臣德生覆勘

總校官候補中允_臣王燕緒

校對官中書_臣吳樹萱

謄錄監生_臣褚兆麟

欽定西庫全書

欽定皇輿西域圖志卷二十七目錄

水四

天山南路一

塔呼庫勒

納呼庫勒

齊克塔木郭勒

闡展郭勒

魯克察克郭勒

洋赫郭勒

土爾番郭勒

招哈郭勒

哈喇和卓郭勒

濟木薩郭勒

托克三郭勒

伊拉里克布拉克

博羅圖郭勒

塔什海郭勒

楚輝郭勒

奇爾歸圖郭勒

特伯勒克布拉克

哈喇烏蘇

博斯騰淖爾

海都郭勒

羅布淖爾

車爾楚郭勒

額什墨郭勒

策特爾郭勒

恩楚魯克郭勒

伊蘭布拉克

第納爾郭勒

塔什阿里克郭勒

巴巴淖爾

奇里什郭勒

哈喇庫勒

額什克巴什郭勒

赫色勒郭勒

烏恰特達里雅

額爾勾郭勒

哈喇烏蘇

哈布薩朗郭勒

木素爾郭勒

綽爾噶布拉克

阿察哈喇郭勒

庫克墨爾根郭勒

特木爾烏蘇郭勒

呼木阿里克郭勒

托什干達里雅

阿克蘇郭勒

教爾他克齊誇斯騰

欽定皇興西域圖志卷二十七目錄

欽定四庫全書

欽定皇輿西域圖志卷二十七

水四

天山南路一

塔呼庫勒

塔呼庫勒在塔呼南庫克托羅海北五里周廻十餘里

納呼庫勒

納呼庫勒在納呼北當四山中周廻十餘里

齊克塔木郭勒

齊克塔木郭勒在齊克塔木城東源出南山中東北流三十里入於沙磧

闢展郭勒

闢展郭勒在闢展城西源發楚輝城南山麓東北流二十里經闢展城西出孔道北十里入於沙磧

魯克察克郭勒

魯克察克郭勒源發金嶺南麓西南行過色爾啟

布城又西行至魯克察克城南其北流傍嶺分兩
流經流連木齊木左右色爾啓布連木齊木魯克
察克諸城咸資灌溉

洋赫郭勒

洋赫郭勒在洋赫城北魯克察克城西源出金嶺
南麓北流十餘里入於地

土爾番郭勒

土爾番郭勒源發吐爾番西金嶺南流經土爾番

城西南行數里入於地北流踰布拉克西折而東行至森尼木西又折而南行入玉門口分兩流其東流經哈喇和卓城東為哈喇和卓郭勒西流經阿思塔克城西各十數里入於地

招哈郭勒

招哈郭勒亦名交河在土魯番西十里出招哈和屯北金嶺中南流分兩支環城左右而南注至城南折而西南流二十里入於沙磧

漢書西域傳河水分流繞城下故號交河

按西域山川名號古今互易徵引典籍率以道里方位為定而於音韻轉移間得之者如伊列之轉為伊犁于闐之轉為和闐亦都足審證至若招哈郭勒之亦名交河則今昔相沿尚存漢唐稱謂之舊尤所僅見也

哈喇和卓郭勒

哈喇和卓郭勒在哈喇和卓城東二十里源出金

嶺西流入於地

濟木薩郭勒

濟木薩郭勒源二道出天山南麓合而南流五里入於沙磧

托克三郭勒

托克三郭勒源出博克達鄂拉南麓有三源合而南流名鄂蘭布拉克過都魯達巴又一水出伊拉里克東西南來經流托克三城南入托克三郭勒

托克三布干伊拉克諸城咸資灌溉

伊拉克布拉克

伊拉克布拉克在伊拉克城東二十里源出
金嶺西南流入托克三郭勒

博羅圖郭勒

博羅圖郭勒源出博羅圖塔克北谷口折而西流
經阿拉癸鄂拉南西行一百三十里出阿拉癸鄂
拉西谷口蒼翠迎眸清流繞足致為佳勝

塔什海郭勒

塔什海郭勒在博羅圖塔克西南一百八十里源出察罕通格西北二十里其一流迤東行一百里當額爾坤達巴之南一流南行繞出山峽經烏沙克塔勒東楚輝郭勒

楚輝郭勒源出楚輝塔克南麓南行經楚輝城西十里入於地

奇爾歸圖郭勒

奇爾歸圖郭勒在塔喀爾齊西十里源出楚輝塔
克南麓偏西南流一百里入博斯騰淖爾

唐書地理志自西州西南行渡淡河至焉耆鎮城
按焉耆鎮城當屬今之哈喇沙爾城淡河居其
東北則正今之奇爾歸圖郭勒也

特伯勒古布拉克

特伯勒古布拉克在特伯勒古西十里當孔道北
周五里許無支流

哈喇烏蘇

哈喇烏蘇在特伯勒古西四十五里當孔道北周
三里許無支流

按回地山水名彼此相同者山如烏可克達巴水如
哈喇烏蘇之類皆名同地異因為隨地分見餘倣此

博斯騰淖爾

博斯騰淖爾在哈喇沙爾城南四里東西袤三百
餘里廣半之周七百餘里亦名侍雅海子北岸受

奇爾歸圖郭勒海都郭勒兩水而海都郭勒為大
漢書西域傳焉耆國近海水多魚

後漢書班超傳超討焉耆去城二十里止營大澤中

魏書西域傳焉耆國南去海十餘里有魚鹽蒲葦

之饒

周書同

唐書西域傳焉耆所都海水綠其外孝格倍道絕
水夜傳堞遲曙譟而登鼓角轟哄唐兵縱國人優
收斬千餘級

按一統志稱焉耆國在今土爾番西無疑然土爾番西至蔥嶺並無大澤可當海之名者又謂四面大山海水曲入四山之內其地更無可考以今求之則博斯騰淖爾當土爾番西南羅布淖爾又當博斯騰淖爾之南班超傳所謂大澤魏書所謂南去海十餘里者即班史所謂近海應指博斯騰淖爾而言若後漢書所謂海水曲入四山之內者應屬今之羅布淖爾在四面大

山之外與博斯騰淖爾相距約二百里形勢迺
合方位道里亦灼然不誣蓋自宋以後中國無
人使至其地殊方隔境考索為難宜一統志誤
以為並無大澤而以無可考概之也

海都郭勒

海都郭勒在哈喇沙爾城西十里源出天山中合
三哈布齊垓郭勒東西裕勒都斯郭勒旁挾衆水
東南流出海都塔克口名海都郭勒迂曲而南二

百五十里許始抵哈喇沙爾城北環其西南稍折而東匯入博斯騰淖爾河面東春廣不過一里夏秋漲發輒至三四里奔騰澎湃中流更汎急河底淤沙聚散深淺靡常哈喇沙爾屯田悉藉此水下流入博斯騰淖爾復醜而西南流者仍名海都郭勒經哈勒噶阿滿南西過庫隴勒轉而東南流入於羅布淖爾

後漢書班超傳超討焉耆有葦橋之險國王廣絕

橋不欲令漢軍入國起從他道厲渡

水經注敷薨之水出焉者之北二源俱道西源東
流分為二水左水西南流出焉者之西經流焉者
之野屈而東南流注於敷薨之渚右水東南流又
分為二左右焉者之國城居四水之中在河水之
洲南會兩水同注敷薨之浦東源東南流分為二
水澗濶雙引洪湍濬發俱東南流逕出焉者之東
道於危須城西又東南流注於敷薨之數川流所

積潭水斯漲溢流為海

按漢書班超討焉耆時居龜茲發八國兵到尉
犁界是從焉耆國西南境入所謂帶橋之險當
屬今海都郭勒也至海都郭勒上流其自西北
來者曰裕勒都斯郭勒自東北來者曰哈布齊
垓郭勒合而東南流出海都塔克口正當焉耆
北境即水經注所謂敦薨之水出焉耆北二源俱
道者也海都郭勒經哈喇沙爾城西與奇爾歸

圖郭勒雙流交會所謂出焉者之西經流焉者之野左右焉者之國逕出焉者之東者形勢猶存至海都郭勒下流與奇爾歸圖郭勒同注博斯騰淖爾蓋即所謂南會兩水同注敦薨之浦東南流注於敦薨之藪者潭水溢而為海當指博斯騰淖爾而言亦與史漢諸書焉者近海之說相合

羅布淖爾

羅布淖爾在博斯騰淖爾正南二百里東南距噶
斯淖爾二百里即古蒲昌海一名沕澤又名鹽澤
又名輔日海又名牢蘭又名臨海又名捕魚兒海
海都郭勒水西北匯入其西來匯入諸水經流廣
遠統分五大支一為庫車左右額什克巴什赫色
勒木素爾諸郭勒合流為額爾勾郭勒一為阿克
郭勒一為喀什噶爾郭勒一為葉爾羌郭勒一為
和闐郭勒合流為塔里木郭勒東入厄爾勾郭勒

北會海都郭勒入於羅布淖爾齋淪湍急周迴五
百里旁有小洲數十西域之水莫此為大由是東
南潛行地中上成斥鹵南出於積石復為中國河
源

山海經不周之山東望沕澤河水所潛也其源渾
渾泡泡郭璞注河南出崑崙潛行地下至蔥嶺出
于閼國復分流岐出合而東流注沕澤已復潛行
南出於積石山而為中國河也沕澤即蒲澤一名

蒲昌海廣三四百里其水停冬夏不增減去玉門
關三百餘里即河之重源所謂潛行也又敦薨之
水西流注於泐澤出于崑崙之東北隅實為河源
史記大宛傳于寘之西則水皆西流注西海其東
水東流注鹽澤鹽澤潛行地下其南則河源出焉
而樓蘭姑師邑有城郭臨鹽澤鹽澤去長安可五
千里匈奴右方居鹽澤以東

漢書西域傳于闐河與葱嶺河合東注蒲昌海一

名鹽澤去玉門關陽關三百餘里地理志敦煌郡
正西關外有蒲昌海

水經注河水東注於沕澤即經所謂蒲昌海也水
積鄯善之東北龍城之西南龍城故姜賴之虛胡
之大國也蒲海溢盪覆其國城基尚存地廣千里
皆為鹽而堅剛也行人所逕畜產皆布羶卧之掘
發其下有大鹽方如巨枕以次相累為少禽多鬼
怪西接鄯善東連三沙為海之北隘矣故蒲昌亦

有鹽澤之稱也廣袤三百里其水澄渟冬夏不減其中洄湍雷轉為隱淪之脈當濃流之上飛禽奮翮於霄中者無不墜於淵波矣即河水之所潛而出於積石也

裴矩西域記鹽澤在西州高昌縣東南去瓜州一千三百壁並沙磧之地

括地志蒲昌海一名輔日海亦名牢蘭亦名臨海在沙州西北

明史西域傳洪武中藍玉征沙漠至捕魚兒海獲

賽瑪爾堪

舊作撒馬兒罕今改正

商人數百太祖遣官送之還

肅州新志

羅布淖爾在火州之南由土爾番往南約五

百餘里有大澤一區方圓數百里塔里木河自西南來
額爾勾河自正西來海都河自西北來咸會於此自沙
州之哈喇淖爾正西小徑亦可達計程不及一月

按河水自蒲昌海潛行地下至積石復出為中
國河源其說見於山海經史記漢書水經注諸

書先儒傳習都無異說自唐杜佑作通典不取其說宋歐陽忞謂其荒遠不經元潘昂霄河源志亦以史稱河有兩源一出于閼一出蔥嶺為誕妄於是河水潛行之說不復取信於後人不
知河水襟帶天地間其源流分合有未可以一
說拘者臣等恭讀

聖祖訓諭黃河之源出西寧邊外庫爾坤山之東衆泉渙
散不可勝數望之燦如列星蒙古謂之教敦他拉西番

謂之梭羅木中華謂之星宿海是為河源又云梵書四大水出於阿耨達山下有阿耨達池以今考之意即岡底斯是唐古特稱岡底斯者猶云衆山水之根與釋典之言相合誠可謂昭若發矇矣謹考岡底斯在葱嶺西南西藏之西山勢連延委折東北接葱嶺東南屬庫爾坤地當天下之脊而山皆一脉所分則所謂河源者或隨山東南下而發於庫爾坤或隨山東北走而發於葱嶺于闐其發於庫爾坤者東

行至積石山其發于蔥嶺于闐者亦東行至蒲昌海潛行地下而會於積石山同流入中國為河源此其較然可見者漢桑欽水經云崑崙墟在西北河水出其東北陬屈從其東南流入渤海又出海外南至積石山下有石門河水冒以西南流此指河源之發於庫爾坤者言也又云河水又南入蔥嶺山又云其源出于闐國南山北流與蔥嶺河合東注蒲昌海此指河源之發

於蔥嶺于闐者言也所謂河有重源者在水經
已有明文矣至其潛行而出於積石所謂東望
泐澤河水所潛敷堯之水西流注於泐澤出于
崑崙之東北隅實為河源者山海經復明著其
說安得於其出崑崙者則信之於其出蔥嶺于
闐者則疑之乎宋元以來以地荒遠未經詳考
著述之家立言多悖於古人方今

聖代坤輿無外凡古所謂崑崙崑崙蔥嶺于闐河源自出之

處皆近隸版籍得以往來詳審現在形勢其經
流分合有與山經水注史漢諸書一一脗合者
乃知古人之不可厚非而杜佑歐陽志潘昂霄
之說徒以其所及見者執此一隅槩彼全局有
如東面而不見西牆者矣

車爾楚郭勒

車爾楚郭勒在海都郭勒西北天山南麓西南流
三十里入於沙磧

額什墨郭勒

額什墨郭勒在車爾楚郭勒西南一百里水流濁源出北山南麓西南流一百八十里入於沙磧

策特爾郭勒

策特爾郭勒在額什墨郭勒西六十里源出天山北麓

恩楚魯克郭勒

恩楚魯克郭勒在策特爾郭勒西八十里水非一

道繞英噶薩爾

舊音英阿雜
爾今改正

左右流皆淺小

伊蘭布拉克

伊蘭布拉克在英噶薩爾西南八十里源出北山之哈喇庫勒達巴南流橫截孔道又南流一百里入於沙磧

唐書地理志榆林守捉城又五十里至龍泉守捉

按唐榆林守捉在今英噶薩爾

詳見卷十則
五體城

西五十里之龍泉守捉當在伊蘭布拉克之東

所謂龍泉疑卽今伊蘭布拉克也

第納爾郭勒

第納爾郭勒在伊蘭布拉克西一百里玉古爾城
西源出哈喇庫勒達巴西小流灣環支派非一南
流一百二十里入於沙磧

塔什阿里克郭勒

塔什阿里克郭勒源出北山南麓第納爾郭勒西
六十里阿巴特西南流一百三十里入於巴巴淖

爾

唐書地理志

西夷僻守捉又六十里至赤岸守捉

按今塔什阿里克郭勒東之阿巴特為西夷僻守

捉

詳見卷十五疆域

則西六十里之赤岸守捉當在塔

什阿里克郭勒西也云赤岸者知為瀕河之地

巴巴淖爾

巴巴淖爾三澤相通中曰巴巴東曰達巴噶爾德

淖爾西曰赫色勒庫爾淖爾在阿巴特南一百里

東西一百五十里南北廣狹不一不當孔道塔什
阿里克郭勒自北來入巴巴淖爾分流左右兩澤
所受祇此一河不通他水

奇里什郭勒

奇里什郭勒在塔什阿里克郭勒西五十里源出
天山北麓南流六十里至托和鼎地即名托和鼎
郭勒居民藉以汲飲

哈喇庫勒

哈喇庫勒源出額什克巴什鄂拉南流入額什克
巴什郭勒又東有庫克訥克郭勒水西南流會哈
喇庫勒入額什巴什郭勒

額什克巴什郭勒

額什克巴什郭勒在托和鶯西南五十二里橫當
孔道自北山庫克訥克哈喇庫勒二水匯而南流
即名此河河流寬廣冬日亦五六丈深數尺經流
二百餘里折而東入額爾勻郭勒

赫色勒郭勒

赫色勒郭勒有三源一源出額什克巴什鄂拉東
南麓西流一源出額什克巴什鄂拉南麓南流一
源出阿勒坦呼蘇拉勒南麓東南流三流會為一
河西南流名赫色勒郭勒東距庫車一百六十里
又南流西會木素爾郭勒東南流出南谷口為烏
恰特達里雅

按水經注龜茲川西源出北大山南又出山東

南流今赫色勒郭勒發源處西南流所謂源出北大
山南也自過賽喇木東又西會木素爾郭勒之後
乃出南山谷口折而東南流所謂又出山東南流也

烏恰特達里雅

烏恰特達里雅

達里雅 回語謂
大河也 餘倣此

舊音鄂根或名渭

甘皆音之訛也在庫車西南一百里即赫色勒郭
勒下流東南行經庫克布葉之北又經沙雅爾城
北名沙雅爾郭勒遂東南會額什克巴什郭勒東

入額爾勾郭勒乾隆二十三年六月大兵會庫車
未下小和卓木霍集占以兵由沙爾來援渡烏恰
特達里雅近庫車城十里外領隊大臣順德訥愛
隆阿端濟布等分兵兩翼追勦自卯至辰奮勇鏖戰
賊不敵三路走我兩翼兵亦分為三追擒至烏恰
特達里雅口賊踉蹌溷渡人畜溺死無算共勦殺
賊一千六百餘級河水為之不流獲回纥二有

御製回纥行詩見服物門

額爾勾郭勒

額爾勾郭勒在庫車東南西承烏恰特達里雅額
什克巴什郭勒合而東流為額爾勾郭勒又東流
六百餘里北會海都郭勒又東二百二十里入羅
布淖爾

水經注北波河又東逕龜茲國南又東左合龜茲
川水有二源西源出北大山南其水南流逕赤沙
山又出山東南流枝水左派焉又東南水流三分

右二水俱東南流注北河又東川水出龜茲東北赤沙積梨南流枝水右出西南入龜茲城川水又東南流逕於輪臺之東也其水又東南流右會西川枝水水有二源俱受西川東流逕龜茲城南合為一水水間有故城蓋屯校所守也其水東南注東川東川水又東南逕烏壘國南其水又東南注大河大河又東右會敦薨之水魏書西域傳龜茲國南三百里有大河東流號計式水即黃河也

按今庫車為龜茲國地左右兩水夾城西為赫
色勒郭勒下流為烏恰特達里雅東為額什克
巴什郭勒皆發源北山分道南流至庫車城南
百五十里而合又東南流入於額爾勾郭勒而
東注經巴巴淖爾南東行六百里然後北會海
都郭勒而東歸於羅布淖爾此庫車境左右之
大槩也以水經注合之所謂水有二源者即今
庫車城左右兩河也所謂西源出北大山南其

水南流逕赤沙山與所謂西川者即赫色勒郭勒下流踰山為烏恰特達里雅者也所謂東川水者即額什克巴什郭勒也所謂東川右會西川枝水西川東流逕龜茲城南合為一水者即今烏恰特達里雅額什克巴什郭勒至庫車城南百五十餘里而合也所謂西川東南注東川東川水又東南逕烏壘國又東南注大河者即烏恰特達里雅東南注額什克巴什郭勒之後

又東南行過額什墨郭勒車爾楚之南為額爾
勾郭勒也由是東行北會海都郭勒入羅布淖
爾即水經注所謂大河又東右會敦薨之水入蒲
昌海也至魏書載龜茲國南計式水與今額爾
勾郭勒北距庫車里數相合且為喀什噶爾葉
爾羌諸郭勒下流入蒲昌海潛行為中國河源
者故云計式即黃河應即今之額爾勾郭勒耳

哈喇烏蘇

哈喇烏蘇在賽喇木西六十里源在北山南麓南
流入木素爾郭勒

哈布薩朗郭勒

哈布薩朗郭勒在拜西十里北山有二泉異源同
流南入木素爾郭勒河濱設建水磨三處引水灌
田又西有特里舒克郭勒

木素爾郭勒

木素爾郭勒發源天山正幹之木素爾郭拉有兩

源合而西南流又折而東南流北會哈布薩朗郭勒東過拜南北會哈喇烏蘇又東過賓喇木南會赫色勒郭勒東南行下流詳見赫色勒郭勒條

綽爾噶布拉克

綽爾噶布拉克在木素爾郭勒西南五十里雅哈
阿里克西南三十里源出北山東南流淺而不涸
阿察哈喇郭勒

阿察哈喇郭勒在綽爾噶布拉克西一百六十里

源在木素爾達巴西南麓至圖格哈納達巴西分
兩流南下當孔道

水經注北河又東逕姑墨國南入姑墨川水注之
道姑墨西北赤沙山東南流逕姑墨國西其水又
東南流右注北波河

唐書地理志姑墨川南臨思運河西北渡撥換河
中河距思運河百二十里

按水經載姑墨川在姑墨西北今阿察哈喇郭

勒在雅哈阿里克西北當即所謂姑墨川也其
南與他里木郭勒相近是即所謂東南流右注
之蹟雖不可考而形勢自存至唐地理志所稱
姑墨州西北之撥換河應即水經注之姑墨川
今阿察哈喇郭勒南距塔里木郭勒百餘里即
所稱撥換河南距思渾河一百二十里也

庫克墨爾根郭勒

庫克墨爾根郭勒源出薩瓦布齊鄂拉在阿克蘇

北百餘里南流入呼木阿里克郭勒

特木爾烏蘇郭勒

特木爾烏蘇郭勒源出庫克墨爾根郭勒西一百里北山下東南流入呼木阿里克郭勒

呼木阿里克郭勒

呼木阿里克郭勒在阿克蘇城西三十里承庫克墨爾根特木爾烏蘇二水合而南流支流非一並入托什千達里雅

托什千達里雅

托什千達里雅在呼木阿里克郭勒西源出烏什西
烏成庫什達巴東流四百里許經烏什之北分流
為托噶爾瑪郭勒又東會呼木阿里克郭勒南流
是為阿克蘇郭勒

阿克蘇郭勒

阿克蘇郭勒在阿克蘇南四十里自北山之呼木
阿里克郭勒托什千達里雅東南流過阿克蘇西

孔道百餘里合流為阿克蘇郭勒又三十里分兩
流經阿克蘇南孔道至哈爾噶額密什南折而東
為塔里木郭勒

水經注北河之東南逕溫宿國枝河右入北河又河
水暨於溫宿之南左合枝水上承北河於疏勒之
東

按阿克蘇為古溫宿國地水經注所謂枝河右
入北河左合枝水者應即呼木阿里克托什干

諸河而所謂北河東南逕溫宿上承北河於疏勒之東者應即喀什噶爾郭勒東行北會阿克蘇郭勒東入塔里木郭勒處也

教爾他克齊謬斯騰

教爾他克齊謬斯騰

謬斯騰回語謂湑成之河也餘倣此

在托什

千達里雅北北山諸小水咸滙於是分流南出即為托什千達里雅

欽定皇輿西域圖志卷二十七

欽定四庫全書

欽定皇興西域圖志卷二十八目錄

水五

天山南路二

塔里木郭勒

哲克得布拉克

哈喇布拉克

博羅和碩郭勒

木什誇斯騰

特們郭勒

赫色勒郭勒

特爾墨楚克郭勒

雅瑞雅爾誇斯騰

喀什噶爾達里雅

察罕烏蘇

哈喇庫勒

葉爾羌誇斯騰

聽雜阿布誇斯騰

哈喇烏蘇

提斯袞誇斯騰

庫森誇斯騰

和闐達里雅

玉隴喀什郭勒

哈喇喀什郭勒

皂窪勒訶斯騰

克勒底雅郭勒

葉什勒庫勒

烏蘭庫勒

布隆庫勒

葉什勒庫勒淖爾

欽定皇興西域圖志卷二十八目錄

欽定四庫全書

欽定皇輿西域圖志卷二十八

水五

天山南路二

塔里木郭勒

塔里木郭勒在阿克蘇東南三百里西域大川源
出葱嶺者二喀什噶爾達里雅葉爾羌訛斯騰皆
東流出南山者一和闐達里雅北流出北山者一

阿克蘇郭勒南流咸會於此合而東流六百餘里
統名塔里木郭勒又東入額爾勻郭勒又東入羅
布淖爾

按水經載南河東北逕扞彌國北又北河東逕
姑墨國南姑墨故地在拜之西阿克蘇之東塔
里木郭勒經其南踰河入砂磧地屬于閩東境
為古扞彌國地正當塔里木郭勒之北是水經
所謂東逕姑墨國南扞彌國北者應指塔里木

郭勒而言也又按塔里木郭勒西承喀什噶爾
葉爾羌于闐諸河自為古河源合流東注之始
水經注所載與今形勢頗合自杜佑作通典以
水經為非據而後人因之駁辨紛如轉滋歧悞
茲為摭錄佑說而詳訂之如左

杜佑通典水經所云河出崑崙山者宜出於禹本
記山海經所云南入葱嶺及出于闐南山者出於
漢書西域傳而酈道元都不詳正所注河之發源

亦引禹記山經釋法明遊天竺記釋氏西域記所
註南入葱嶺一源出于闐山合流入蒲昌海雖約
漢書亦不尋究又水經云出海外南至積石山下有石
門然後南流入葱嶺據此則積石山當在葱嶺之
北又云入塞過敦煌酒泉張掖郡南並今郡地也
夫山水地形固有定體自葱嶺于闐之東至敦煌
酒泉張掖之間華人來往非少從後漢至大唐圖
籍相承註記不絕大磧距數千里未有桑田碧海

之變陵遷谷移之談此處豈有河流纂集者不詳
斯甚又按禹導河積石者堯時洪水下人昏墊禹
所開決本救人患積石之西砂鹵之地河流小地
勢復高不為人患此以施功發跡自積石山而東
則今西平郡龍支縣界山是也固無禹理水之功
自葱嶺之北其本紀荒唐撰經者取為準的班固
云言九州者尚書近之矣誠為愜當其漢書西域
傳云河水一源出葱嶺一源出于閼合流東注蒲

昌海皆以潛流地下南出積石為中國河云此禹
記山經猶較附近終是紕繆按此宜惟憑張騫使
大夏見兩道水從葱嶺于闐合流入蒲昌海其于闐
出美玉所以騫傳遂云窮河源也按古圖書名河
所出曰崑崙山疑所謂古圖書即禹本記以于闐
山出玉乃謂之崑崙即所出便云是河也窮究諸
說悉皆謬誤蓋堅又以禹貢云導河自積石遂疑
潛流從此方出且漢時諸羌種衆雖多不相統一

未為強國漢家或未嘗遣使詣西南羌中或未知自有河也寧有今吐蕃中河從西南數千里向東北流見與積石山下河相連聘使涉歷無不言之吐蕃自云崑崙山在國中西南則河之所出也又按尚書云織皮崑崙析支渠搜西戎即叙又後漢書云羌在漢金城郡之西南濱於賜支續漢書曰河關西可千餘里有典羌謂之賜支蓋析支也然則析支在積石之西是河之上流明矣崑崙在土蕃

中當亦非謬而不謂河之本源乃引葱嶺于闐之
河謂從蒲昌伏流數千里至積石方出斯又班生
之所未詳也佑以水經僻書代人多不知觀或有
好事者於諸書中見有引處謂其審正此殊未之
精也

按葱嶺河源之說疑之者始於杜佑而宋歐
陽忞元潘昂霄因之皆緣西域未隸版圖是以
無從審正今葱嶺于闐咸隸版籍兩河合流之

蹟較若列眉有可與山經水注諸書相發明者
考水經稱河水出海外南至積石山下有石門
河水冒以西南流此指河源之發於積石山者
下云河水又南入蔥嶺山此指河源之發於蔥
嶺于闐者一出海外而南行一入蔥嶺而東注
上下文義各別而佑引經文則云南至積石山
下有石門然後南流入蔥嶺強加然後二字使
語氣混淆而因申其說以為積石山不當在蔥

嶺之北不知水經原文固未嘗云積石山在蔥
嶺北也漢書西域傳稱西域三十六國南北有
大山中央有河今自蔥嶺以東和闐葉爾羌喀
什噶爾阿克蘇赫色勒諸河羣流東下數千里
按諸水經一一脗合而佑則以為自蔥嶺于闐
至敦煌酒泉張掖惟是大磧數千里並無河流
其為紕繆更自顯著史記載漢使窮河源河源
出于闐其山多玉石天子案古圖書名河所出

山曰崑崙者史記本意直云當時漢天子強名
于闐山為崑崙未嘗以此為真崑崙也積石葱
嶺于闐皆河所自出謂之河源者言崑崙之源
於此乎發現耳水經既云河出崑崙墟南至積
石山下又云河水南入葱嶺山又一源出葱嶺
于闐河與之合者見此二水同源崑崙而並行
不悖又曷嘗專主葱嶺于闐之河而謂積石以
上非河源所在耶佑於水經原文未暇詳審亦

未睹西域水道全局執其偏端漫以古人為不足述至宋元以來襲謬承訛亦惟佑說為之先導有不足深論者矣

哲克得布拉克

哲克得布拉克在齋都伯西南四十里源出北山
南麓

哈喇布拉克

哈喇布拉克在哲克得布拉克西南四十里源出

北山南麓

博羅和碩郭勒

博羅和碩郭勒在玉斯屯阿喇圖什西南二十里
源出西北山中東南流過阿喇圖什而止不通大
河

木什諤斯騰

木什諤斯騰在喀什噶爾城北源出赫色勒郭勒
北山中東南流過喀什噶爾城北會赫色勒郭勒

入雅瑞雅爾誇斯騰

特們郭勒

特們郭勒在木什誇斯騰北源出北山東西二源
合而東南流入木什誇斯騰

赫色勒郭勒

赫色勒郭勒在喀什噶爾城南十五里源出北山
麓東南流會特爾墨楚克郭勒入雅瑞雅爾誇斯
騰

特爾墨楚克郭勒

特爾墨楚克郭勒在赫色勒郭勒南五里西北山下同源異流在北為赫色勒南即此河東南流二百里而復合同入雅瑞雅爾諤斯騰

雅瑞雅爾諤斯騰

雅瑞雅爾諤斯騰在特爾墨楚克郭勒南二十里源發蔥嶺出山東流經塔什巴里克城南名此河又東北流經喀什噶爾城南赫色勒特爾墨楚克

二水合流北來會之名喀什噶爾達里雅

喀什噶爾達里雅

喀什噶爾達里雅在喀什噶爾城南五十里即雅
瑞雅爾之下流西北會赫色勒特爾墨楚克兩河
之水又東行五百里逕巴爾楚克城南又東行六
百里北會阿克蘇郭勒南會葉爾羌訶斯騰和闐
郭勒入塔里木郭勒

察罕烏蘇

察罕烏蘇在英噶薩爾城南五里源出西山東流
百餘里過英噶薩爾而止不通大河

哈喇庫勒

哈喇庫勒即雅瑞雅爾諤斯騰上流在烏魯阿喇
特達巴西北有兩源出北山中合流南行至北渾
渚成澤周圍百餘里又東出為雅瑞雅爾諤斯騰
葉爾羌諤斯騰

葉爾羌諤斯騰在葉爾羌城北五十里源出西南

葱嶺中屈曲出山東北流分為二道過葉爾羌城南名哈喇烏蘇又東行復合為一南會聽雜阿布謬斯騰東北行六百餘里入塔里木額爾勾郭勒東注羅布淖爾

漢書西域傳河有两原一出葱嶺山

水經北河又東逕莎車國南

按葉爾羌為古莎車國地葉爾羌郭勒經流城南應即水經所謂北河逕莎車國南者且莎車

於後漢時雄長西域兼龜茲滅焉塞其國之北
境闢地既廣則河流固當在國之南境矣其源
出於西北葱嶺即漢書所謂河源一出葱嶺者
証諸形勢灼然不誣至其下流歸墟之處東流
千里詳見塔里木郭勒額爾勾郭勒羅布淖爾
諸條下

聽雜阿布謬斯騰

聽雜阿布謬斯騰在葉爾羌城東南五十里源出

庫克雅爾塔克北流出山經沙圖伯什阿里克托
古斯恰特北會哈喇烏蘇入葉爾羌諤斯騰

哈喇烏蘇

哈喇烏蘇舊音喀喇烏蘇源出葉爾羌城西蔥嶺
中東流逕城東乾隆二十三年十月將軍兆惠攻
圍葉爾羌城未下從城東率師渡哈喇烏蘇進兵
城南兵過河纔四百餘賊擁衆四五千騎迎戰持
鳥鎗長鎗在前步行之賊分持棍棒瓜斧在後彌

望無數兆惠等以兵分三隊將軍居中副都統由
屯居右鄂木布居左三隊齊進直衝賊陣將領親
冒矢石為士卒先呼聲震天賊騎兵敗走分兵前
後迎戰兆惠等奮勇衝擊賊騎敗已又分兵從兩
旁來犯我師馬力絀不能馳驟總兵高天喜副都
統三格侍衛鄂實特通額死之因復踰哈喇烏蘇
而東固守大營築堡堅壘鼓厲士氣上下一心賊
時於堡外濬濠築臺決水灌營掘隧潛進百計掩

襲我師隨機應禦三閱月無稍懈者復於營中掘得糧窖拾取鎗砲鉛丸日久士無饑色兵器彌利賊驚以為神會阿里袞奉

旨解馬千匹馳至富德等亦統新調兵自阿克蘇南下

大敗賊於呼拉瑪

舊音呼兩瑞

兆惠等聞營北鎗礮聲

遂駕雲梯選兵分兩翼直衝賊人負固處焚燒賊臺殺賊千有餘人富德等亦分中軍兩翼自外殺賊三百餘人兩軍乃合還阿克蘇

御製黑水行已卯

喀喇烏蘇者唐言黑水同去年我軍薄回穴强弩之末
難稱雄築壘黑水待圍解詎人力也

天帡幪明瑞馳驛踰月到

毅勇承恩公明瑞 孝賢皇后
姪也命以副都統領兵行間為

前鋒召回京間以被圍情狀自葉爾
羌抵京路萬五千里疾馳踰月而至

面詢其故悚予衷

蜂蟻張甄數無萬三千餘人守從容審米濟軍軍氣壯

奚肯麥麴山鞠窮引水灌我我豫備

逆回導渠淹我營
壘將軍兆惠等豫

開溝引之入河
且轉資其用

反資衆飲用益豐銳不中去聲人中營樹

何至析骸薪材充著木銃鐵獲萬億

賊據高苑銃鉛九
全集營樹上我軍

斫木為薪木中得鉛九萬
億即取以擊賊斃賊無算翻以擊賊賊計窮先是營內所

穿井園將解乃智其中聞言為之悵諸臣實鞠躬隨復
為之感

天眷深信崇敬讀

皇祖實錄語所載曾聞我

太宗時明四總兵來戰正值大霧彌霄雲敵施火礮樹皆

燬都統艾塔往視攻回奏敵礮止傷樹我兵曾無傷矢

弓匪令伊昔蒙

帝佑觀揚

前烈勵予冲詎人力也

天忻懔大清震海欽皇風

御製惜陣亡總兵高天喜詩

有序
庚辰

喀喇烏蘓之役我師渡河猝被賊遮時總兵高天喜
奉將軍令董率修橋在後聞將軍陷陣中乃捨橋衝
入賊陣以致陣亡推恩優卹如例凱還備悉其事詩

以惜之

始由小校出從征優擢奇雄至總兵留後修橋恥苟活
復前入陣遂捐生綠旗中祇一人實絕域外傳千載名
裏血結纓寧讓古詩非獎勇獎忠誠

提斯袞諤斯騰

提斯袞諤斯騰在葉爾羌諤斯騰東十里橫當孔
道不通大河

庫森諤斯騰

庫森訥斯騰在提斯袞南五里河身深廣不通大
河

和闐達里雅

和闐達里雅源出皮什雅南五十里南山中北流
將近皮什雅城南分為二道夾城而過城東曰玉
隴哈什郭勒城西曰哈喇哈什郭勒俱北流四百
里至喀提里什兩河交會是為和闐達里雅又北流
五百里西會葉爾羌訥斯騰折而東流千有餘里

入羅布淖爾又和闐達里雅北流盡處別有支河
通葉爾羌亦名哈喇烏蘇

史記大宛傳鹽澤潛行地下其南則河源出焉多
玉石又云漢使窮河源河源出于崑崙其山多玉石
采來天子案古圖書名河所出曰崑崙云

漢書西域傳河有两原一出于闐在南山下其河
北流與葱嶺河合東注蒲昌海

水經注南源導于闐南山俗謂之仇摩置自置北

流逕于闐國西又西北流注於河即經所謂北注
葱嶺河也

按漢書稱從鄯善傍南山北波河西行至莎車為南
道所謂河者當指和闐達里雅而言水經注所謂
仇摩置者也魏書于闐國有樹枝水一名計忒
水即黃河也應亦指和闐達里雅而言

玉隴哈什郭勒

玉隴哈什郭勒為和闐達里雅上流出皮什雅南

五十里南山中與哈喇哈什郭勒分道經皮什雅
城東北流六十里至玉隴哈什城南又分為二夾
城流六十里復合為一北至喀提里什東哈喇哈
什郭勒自西南來會之入和闐達里雅其經流玉
隴哈什城東處長三里出白玉

魏書西域傳于闐城東三十里有苜拔河

唐西域記王城東南百餘里有大河西北流國人
利之以用溉田其後斷流王深怪異羅漢曰是龍

所為耳宜速祠求當復昔利祠祭河龍忽有一女
凌波而至求選大臣以為配偶大臣入河履水不
溺濟乎中流麾鞭畫水水為中開白馬浮出負一
梅檀大鼓懸城東南若有寇至鼓聲先震河水遂
流至今利用歲月浸速龍鼓久無舊懸之處今仍
有鼓池側伽藍荒地無僧

按今玉隴哈什郭勒在額里齊城東南境上北
入河闌達里雅中分兩流行六十里而復合其

西流為魏書所載樹枝水則東流應屬苜拔河也又唐西域記稱王城東南有大河應指今王隴哈什北通和闐之河第今額里齊城東境距河甚近則所謂東南百里者當指發源之處而言今負郭土田悉資引灌溉田之利記志非與惟和闐不奉佛教仰蒙

聖訓精詳鏡示萬古羅漢伽藍均難徵信而龍女求配尤近於誣象教所編聊資聞見而已

哈喇哈什郭勒

哈喇哈什郭勒亦和闐達里雅上流與玉隴哈什
郭勒同源異流經皮什雅南西北流六十里至哈
喇哈什城南亦分為二夾城而流城東之河距城
二里東北流至喀提里什入于和闐達里雅哈喇
哈什城東有河三處並長三十里出青玉

魏書西域傳于闐國城東二十里有大水北流號
樹枝水即黃河也一名計式水城西五十五里亦

有大水名達利水與樹枝水會俱北流

晉高居誨使于闐記河源所出至于闐分為三東
曰白玉河西曰綠玉河又西曰烏玉河三河皆有
玉而色異每歲秋水涸國王撈玉於河然後國人
得撈玉

按樹枝水即今玉隴哈什郭勒達利水即今哈
喇哈什郭勒水流分合及兩水東西相距以古
驗今若合符節又水有主輔此水自以樹枝為

主而達利會之宋史載于闐玉河全用居誨語
而云其國貢使云然明史因之於采玉則用唐
書月光盛處得玉之文蓋史家未嘗身歷其境
承用舊籍自不能有所正定也今考玉隴哈什
河在東出白玉哈拉哈什河在西出綠玉是白
玉綠玉兩河信而有徵所謂烏玉河者以地位
求之應即今皂窪勒諤斯騰然未嘗出玉又回
語謂黑為哈喇則哈喇哈什又應屬古之烏玉河也

土人或言玉本生南山中山水漲發隨流入河
豈能取有常處玉有定色然顏延之詩璇源載
圓折玉水記方流凡玉固有生於水者何疑於
于闐之玉乎其水四時有玉當秋水涸取之為
易唐書視月光得玉亦未必然

阜窪勒諤斯騰

阜窪勒諤斯騰在哈喇哈什西即哈喇哈什河分
流北行百餘里而止不通他水

克勒底雅郭勒

克勒底雅郭勒在克勒底雅東十里南北經流二百餘里通葉什勒庫勒

葉什勒庫勒

葉什勒庫勒在南山中周圍十餘里克勒底雅郭勒南流入之

唐西域記婉摩川東入沙磧行二百餘里至尼壤城周三四里在大澤中澤地熱濕難以履涉蘆草

荒茂無復途疆惟趣城路僅得通行故往來者莫不由此城焉

唐書西域傳于闐東三百里有建德力河

按婉摩川為齊爾拉城西境之河則由是東行二百里為尼壤城當即今克勒底雅城所謂大澤應即葉什勒庫勒克勒底雅郭勒應即西域傳之建德力河其東即古拘彌國地

烏蘭庫勒

烏蘭庫勒在和闐西境葱嶺中周圍五十餘里不通他河

布隆庫勒

布隆庫勒在阿喇楚勒

舊音阿爾楚勒今改正

西百餘里周

圍五十里水自拔達克山界內北流至此匯成巨澤居山谷間

按唐書西域傳喝盤陀都城負徒多河喝盤陀為今塞爾勒克喀爾楚迤西諸境地則所謂徒

多河者應屬布隆庫勒上流左行分出之河故得依山負險而立國於此也

葉什勒庫勒淖爾

葉什勒庫勒淖爾舊音伊西洱庫爾淖爾在布隆庫勒西四十里水勢深廣萬山環繞北通安集延西限蔥嶺南抵拔達克山副將軍富德窮追逆回波羅泥都霍集占至此奔拔達克山遣使索俘二首旋授首淖爾之上勒碑紀功以示萬世云

御製平定回部勒銘伊西洱庫爾淖爾碑文

機有視若失而反得智者之所勦而愚者之所惑也事
有初若勞而終逸壯者之所劬而懦者之所怯也若夫
定全回殲二酋戰無不克攻無不取皆二將軍及諸叅
贊以及行間衆將士之力也然予亦有所深慰於其間
者則以五年劬宵旰運籌狎至寶未敢偷安於頃刻
也幸我武保定庶因答

乾賜慰

先志且以免浮議之指斥也伊西洱庫爾淖爾者我副將
軍富德等窮追二酋至拔達克山之界獲其降者萬人
二酋僅以身免而遣使索俘遂得獻馘振旅以成茂勳
也其地倚山臨水單騎可容而我突將無前四甄並發
如入無人之域也賊衆首尾不能相顧豎我回纥以招
之降者鋪崖以來霍集占持以止之或且反戈倒戟也
是以二酋見事不成拔身遠跳駭突而喙息也先是威
之於霍斯庫魯克襲之於阿爾楚爾無不以少勝衆批

亢擣堅桓桓之士真如驅虎豹而逐狸兔纏頭碩鼻者
流皆悝悝踉踉見即辟易也是以先聲異域駭其跳盪遮
逆助順用攬重輜而獻兇級也我兵未深入拔達克山境
者則以討逆之師不蹂無罪之地姑遣使焉彼或曉逆順
亦將擒獻是以將帥之臣審機度時我武少輯也卒藏
事而告成功則亦未為計之失也回部始末已見於勒
銘葉爾奇木之碑辭不復綴也特紀耆定之在茲是以
誌歲月而刻石也

唐書吐蕃傳吐蕃并西洱河諸蠻盡臣羊同党項諸羌其地東與松茂雋接南極婆羅門西取四鎮北抵突厥幅員餘萬里漢魏諸戎所無也

按西洱河疑即今葉什勒庫勒淖爾舊音為伊西洱庫爾者其地曾入吐蕃以大勢論之吐蕃西取四鎮而疏勒西盡葱嶺則自焉耆以西割據廣遠亦當以葱嶺為其邊陲也

欽定皇輿西域圖志卷二十八

欽定四庫全書

史部

欽定皇輿西域圖志卷

二十九
三十

詳校官通政使_臣夢吉

檢討_臣德生覆勘

總校官候補中允_臣王燕緒

校對官中書_臣吳樹萱

謄錄監生_臣褚兆麟

欽定四庫全書

欽定皇興西域圖志卷二十九

官制

臣等謹按服外荒墟民稀事簡伊古蕃王部長遴簡才傑以資分理每於中土弗賓弗臣各自為其風氣故考官聯於遐徼周秦以前靡得而聞漢武通西域班傳紀載較詳如烏孫則有將相監吏等官其餘諸國則自輔國侯都尉以下而龜茲官屬

尤衆北史載高昌官制儼若中朝吐谷渾則有王公僕射尚書郎中將軍之號回紇則有內外將相都督將軍司馬之稱雖倣中國位號以名其官而要昏服畔不常未必胥隸臣僕若彼中名目如葉護特勒俟利發吐毛發屈律吸閭洪達之屬聲教曠隔音譯沿訛尤難審證準噶爾居烏孫突厥故壤游牧分地即為職守回部於漢為三十六國地各有城郭每城之中咸設官司體制攸殊名號亦

別仰惟

聖天子豐庸懋建全域來歸撫其地治其人開置伊始
凡新疆諸境制之以將軍督提守之以監司丞倅
將佐弁員既已挈夫領要而滋培既久郡縣斯設
命官授秩大小相維規制尤稱賅備至準夷舊官
名如圖什墨爾扎爾扈齊宰桑諸職當芟夷蘊崇
之餘無可復倣應與更新回部二酋授首後諸城
伯克望風內附爰仍舊號如阿奇木沙噶納齊以

下釐以中朝之品級而授職如故因俗宜民法良
意美仍統壹於重臣以督領其事由是一階一秩
無不自幸為

王人而非直前世請封置吏與戊己骨都僅存虛號者
所可比倫萬一矣品秩既區掌司咸載旁徵故實
各以類從將來稽典屬之班聯訪西陲之職守均
於是編可詳訂焉志官制第八

欽定四庫全書

欽定皇輿西域圖志卷二十九目錄

官制一

嘉峪關

安西州

哈密

鎮西府

迪化州

伊犁

庫爾喀喇烏蘇

塔爾巴噶台

附準噶爾舊官制

欽定皇輿西域圖志卷二十九目錄

欽定四庫全書

欽定皇輿西域圖志卷二十九

官制一

嘉峪關

巡檢一員

遊擊一員

千總二員

把總二員
以上康熙十三年設乾隆二十四年

西域平後如舊制

按嘉峪關本隸肅州因為西域新疆門戶故首
紀關外駐員以著我

國家控馭邊陲之義匪今伊昔云

安西州

知州一員 乾隆二十四年西域平以靖逆安西

柳溝三衛地置安西府統淵泉玉門敦煌三縣
設知府一員三十八年改直隸州以淵泉縣為

州境設知州統縣二玉門敦煌

馬蓮井州判一員 乾隆三十八年設

學正一員 乾隆二十四年設府教授一員三十
八年改設

吏目一員 乾隆二十四年設府經歷一員三十
八年改設

按乾隆二十四年設有淵泉縣知縣一員縣丞
一員訓導一員典史一員乾隆三十八年改淵

泉縣為州境舊設知縣縣丞訓導典史俱裁

安西營參將一員

守備一員

千總二員

把總四員 以上乾隆二十四年設二十八年添

把總一員三十年仍裁

布隆爾吉都司一員

千總一員

把總二員

瓜州千總一員 以上乾隆二十四年設

踏實堡都司一員

把總一員

橋灣堡都司一員

把總一員

雙塔堡千總一員 以上俱原設乾隆二十四年

後如舊制

按百齊堡舊設把總一員乾隆二十八年裁

玉門縣

知縣一員 乾隆二十四年以靖逆衛地置縣裁

通判改設

訓導一員

典史一員 以上乾隆二十四年設

靖逆營遊擊一員

千總一員

把總二員

赤金堡都司一員

把總一員

惠回堡千總一員 以上俱原設乾隆二十四年

後如舊制

按塔爾灣舊設守備一員把總一員乾隆三十

一年裁

敦煌縣

知縣一員 乾隆二十四年以沙州衛地置縣裁

同知改設

訓導一員

典史一員 以上乾隆二十四年設

沙州協副將一員

左右營都司二員

左右營千總四員

左右營把總八員

黃墩堡千總一員 以上俱原設乾隆二十四年
後如舊制

哈密

辦事大臣二員 統理諸務其聽差各員於駐防
綠營員弁內隨時酌委無定額

印房章京一員

駙騎校一員

筆帖式六員

通判一員

巡檢一員 以上乾隆二十四年設

酤水巡檢一員 乾隆三十八年設

哈密協副將一員

都司一員

千總一員

把總四員

經制外委六員

塔爾納沁都司一員

把總一員

經制外委一員 以上乾隆二十四年設

蔡巴什湖把總一員 乾隆二十八年設

總理回衆郡王一員 管轄五堡回民承種地畝

鎮西府

知府一員 乾隆二十四年以安西府同知駐巴

爾庫勒三十八年置府改設知府統宜禾縣迪

化州昌吉縣是年八月陞迪化為直隸州析昌吉為州屬今府統縣二宜禾奇臺

教授一員

經歷一員 以上乾隆三十八年設

按巴爾庫勒舊設巡檢一員乾隆三十八年裁

宜禾縣

知縣一員

訓導一員

典史一員 以上乾隆三十八年設

奇臺縣

知縣一員 舊駐通判一員乾隆四十一年置縣

改設

訓導一員

典史一員

分駐古城巡檢一員 以上乾隆四十一年設

按東濟爾瑪台舊駐巡檢一員今裁

叅贊大臣一員 乾隆三十九年設

滿營協領四員

佐領十六員

防禦十六員

驍騎校十六員

筆帖式二員 以上乾隆三十九年設

巴爾庫勒總兵一員 乾隆二十四年設提督一員 二十九年移駐烏魯木齊改設總兵

中營遊擊一員 乾隆二十四年設叅將一員二

十九年改設

守備一員

千總二員

把總四員

經制外委六員

左營遊擊一員

守備一員

千總二員

把總四員

經制外委六員

右營遊擊一員

守備一員

千總二員

把總四員

經制外委六員 以上乾隆二十四年設

按乾隆二十四年原設有前後二營遊擊各一員守備各一員千總各二員把總各四員乾隆二十七年裁

古城遊擊一員

千總一員

把總一員 以上乾隆三十六年設

木壘守備一員 乾隆三十一年設

把總二員 一乾隆三十一年設一乾隆三十

六年設

漢書匈奴傳置左右賢王左右谷蠡左右大將左右大都尉左右大當戶左右骨都侯匈奴謂賢曰屠耆故常以太子為左屠耆王自左右賢王以下至當戶大者萬餘騎小者數千凡二十四長立號曰萬騎其大臣皆世官

北史蠕蠕傳心慕中國立官號僭擬王者遂有侍中黃門之屬

按今哈密鎮西府

即巴爾庫勒

在漢為匈奴右地右

賢王將居之官制自左右賢王以下畧見漢書

又稱左右賢王各置裨小王今鎮西府城西北

有漢永和二年敦煌太守誅呼衍王碑所謂呼

衍王疑即右賢王所屬當時分地居此也蠕蠕

慕中國以名官而境弗內屬亦與實有其地而

設官授職者異矣

迪化州

知州一員 乾隆二十五年於烏魯木齊駐同知
一員三十八年置州改設

學正一員

吏目一員 乾隆二十五年設倉大使一員三十
八年置州改設

迪化州舊城巡檢一員 乾隆四十一年設

昌吉縣

知縣一員 乾隆二十五年於昌吉駐通判一員

為寧邊廳三十八年改駐州同尋置縣改設

訓導一員

典史一員

分駐景化城巡檢一員 以上乾隆三十八年設

綏來縣

知縣一員 舊以昌吉縣縣丞分駐縣屬之綏來
堡乾隆四十四年置縣改設

訓導一員

典史一員 以上俱乾隆四十四年設

阜康縣

知縣一員 乾隆二十五年於烏魯木齊屬之特

納格爾駐縣丞一員三十八年改駐州判一員

四十一年置縣改設

分駐濟木薩縣丞一員 乾隆四十一年設

濟木薩參將一員

守備一員

千總一員

把總三員 以上乾隆三十六年設

訓導一員

典史一員 以上乾隆四十一年設

分巡鎮迪屯田糧務兵備道一員 乾隆二十四

年設初駐哈密為安西道三十八年改今名移

駐鎮西府四十一年移駐迪化州統轄鎮西府

安西州迪化州並哈密闢展二廳

按烏魯木齊舊設管理糧務道差缺於陝甘兩
省滿洲員內調派三年更換乾隆三十七年裁
又按開展廳亦兵備道所屬因地屬山南回部
官制見次卷

管理烏魯木齊等處事務都統一員 舊係叅贊
大臣乾隆三十八年改設總理滿洲綠營事務
副都統一員

按舊設領隊大臣二員乾隆四十二年裁

協領六員

佐領二十四員

防禦二十四員

驍騎校二十四員

九品筆帖式二員

安西提督一員 乾隆二十七年設副將一員二

十八年改設總兵一員二十九年移駐巴爾庫

勒改設提督

中營兼中軍叅將一員 乾隆二十八年設中營
遊擊一員二十九年改設

中營守備一員

千總二員

把總四員

經制外委四員 以上乾隆二十八年設

左營遊擊一員

守備一員

千總二員

把總四員

經制外委四員 以上乾隆二十七年設

右營都司一員 乾隆二十七年設遊擊一員二

十八年改設

守備一員

千總二員

把總四員

經制外委四員 以上乾隆二十七年設

城守營都司一員

守備一員

千總二員

把總四員

經制外委六員 以上乾隆二十八年設

按乾隆三十七年設有管理額魯特兵總管一員副總管一員佐領四員驍騎校四員四十二

年移駐塔爾巴噶台見後條

卡倫侍衛三員 自京調往三年更換

管理臺站屯政廠務文武各員或由陝甘省除派或由伊犁調撥無常員定額不備載

按自西域底平嘉峪關外安西靖逆兩廳始改設府縣其由哈密巴爾庫勒以西建置尚未之及十數年來生養涵濡殷庶侔於內地絃歌徹於邊徼

上因置吏建設學校之請次第開置郡縣若守若牧令
若師儒官大小咸秩又移駐道員以資表率添
設丞倅以備勤宣邊境規模倍昭閱遠考今鎮
西府迪化州諸境在漢為匈奴烏孫地未隸中
國版圖唐雖建有伊西州都護府而初則與沙
陀回紇相因依繼緣吐蕃侵擾北庭安西並歸
淪陷宋明之世退蔥閉關棄同甌脫更無足論
我

國家聲教遐被化荒裔為名都雄州緊縣鮮次櫛比
受篆分符與內地職官無少異卓乎曠古罕倫
矣

伊犁

總統伊犁等處將軍一員 乾隆二十七年設統
轄天山南北各新疆地方駐防官兵遣調事務
叅贊大臣一員 乾隆二十五年設

印房司官二員

印房筆帖式二員

糧餉處司官二員

糧餉處筆帖式一員

駝馬處司官一員

駝馬處筆帖式一員

卡倫侍衛十二員 以上俱自京調往三年更

換

撫民理事同知一員 乾隆三十一年設

管倉同知一員

廳官一員 以上由陝甘省除派三年更換

惠遠城巡檢一員 乾隆三十三年設

惠寧城巡檢一員 乾隆三十三年設初駐綏寧

城三十七年移駐

領隊大臣六員 一員駐惠寧城五員駐惠遠城

分統駐防滿洲蒙古錫伯索倫達呼爾察哈爾

額魯特官兵游牧諸務

額設署理營務筆帖式十員 滿洲蒙古營二員
錫伯營二員 索倫達呼爾營二員 察哈爾營二員
額魯特營二員

分理惠遠城滿洲蒙古兵協領八員

佐領四十員

防禦四十員

驍騎校四十員

分理惠寧城滿洲蒙古兵協領四員 乾隆三十

五年設三員尋裁一員三十六年添設二員

佐領十六員 乾隆三十五年設十三員尋添

設一員三十六年添設二員

防禦十六員

驍騎校十六員 以上乾隆三十五年設

分理錫伯兵總管一員

副總管一員

佐領八員 乾隆三十年設六員三十二年添

設二員

驍騎校八員 乾隆三十年設六員三十二年

添設二員

分理索倫達呼爾兵總管一員

副總管一員

佐領八員 乾隆二十九年設六員三十二年

添設二員

驍騎校八員 乾隆二十九年設六員三十二

年添設二員

分理察哈爾兵總管二員

副總管二員

佐領十六員 乾隆二十八年設十二員三十

二年添設四員

驍騎校十六員 乾隆二十八年設十二員三

十二年添設四員

分理額魯特兵總管二員 乾隆二十五年設一

員三十年添設一員

副總管三員 乾隆二十五年設一員三十年

添設一員三十七年添設一員

佐領二十員 乾隆二十五年設六員三十年

添設六員三十二年添設二員三十五年添

設二員三十七年添設四員

駙駙校二十員 乾隆二十五年設六員三十

年添設六員三十二年添設二員三十五年

添設二員三十七年添設四員

按滿洲蒙古錫伯索倫達呼爾察哈爾額魯特
各營內有給七品頂帶之領催委前鋒校有給
六品頂帶在卡倫侍衛上行走之領催非營制
正額不備載

總理回務一等台吉三品阿奇木伯克一員統理
所屬地方諸務

四品伊沙噶伯克一員協理所屬地方諸務

五品噶匝納齊伯克二員管理地畝糧賦

五品商伯克二員管理徵輸糧賦

六品哈子伯克一員管理詞訟

六品都官伯克一員管理遞送兵馬口糧文卷

一切官物分攢差務

七品密喇布伯克六員管理灌田水利

七品明伯克六員管理徵輸千戶糧賦并一切

雜務

七品什和勒伯克一員管理駙館薪芻諸務

七品帕察沙布伯克一員管理巡緝提牢諸務

七品玉資伯克一員管理徵輸百戶糧賦并一

切雜務 自阿奇木以下分職與回部同凡

屯種回人悉歸管理

管理臺站屯政文武各員即於駐防官員內派撥

或由陝甘省調往兼理水碾鉛廠等務無常員

定額不備載

庫爾喀喇烏蘇

辦事大臣一員 乾隆二十七年設

管理糧餉官一員 由陝甘省除派

管理臺站屯政文武各員或由陝甘省除派或由
伊犁烏魯木齊等處調撥無常員定額不備載

塔爾巴噶台

叅贊大臣一員

領隊大臣一員 以上乾隆三十年設

印房章京四員

筆帖式三員

卡倫侍衛六員

驍騎校二員

護軍叅領九員

以上自京調往三年更換

管理糧餉官一員 由陝甘省除派

管理額魯特兵總管一員

副總管一員

佐領四員

驍騎校四員 以上乾隆四十二年自烏魯木

齊移駐

管理臺站屯政文武各員或由陝甘省除派或由伊犁烏魯木齊等處調撥無常員定額不備載

附準噶爾部舊官制

台吉 準噶爾全境分四衛拉特各有首領以雄據之尊其名曰大台吉猶前代諸蕃郎主之號

也四衛拉特皆有大台吉而緯羅斯尤為之長
其大台吉亦稱汗王餘小台吉皆汗王之宗屬
為之大台吉官屬自圖什墨爾以下小台吉官
屬自宰桑以下二十一昂吉境內別設台吉居
住以統領游牧謂之六游牧台吉焉

圖什墨爾 係準噶爾叅決政事之臣樞筦機務
之要職凡六游牧二十一昂吉大小政務經宰
桑辦理以告圖什墨爾詳悉定議上告台吉然

後施行其員缺有四

扎爾扈齊

此佐圖什墨爾理事者也兼辦一切

刑名賊盜案件員缺有六蓋次於圖什墨爾云

德墨齊

內則佐台吉以理家務外則抽收牧廠

稅務差派征收山南回部徭賦接待布魯特使

人其員缺有二

宰桑 管理一鄂拓克事務或一宰桑管一鄂拓

克或三四宰桑管一鄂拓克事無大小胥受成

焉

德木齊

係管理鄂拓克內自一百戶以上至二

百戶事務

收楞額

係佐德木齊管理鄂拓克事務者

阿爾班呢雅哈

係佐收楞額辦理鄂拓克事務

者

按凡一鄂拓克中大者有宰桑其次德木齊其次收楞額最下阿爾班呢雅哈共四等

阿爾巴齊宰桑 係承辦二十四鄂拓克二十一

昂吉差貢事務其員缺有四

阿爾巴齊 係隨阿爾巴齊宰桑各處催差者約
有百員

庫圖齊納爾 係承辦大台吉一切蒙古包及塔
支帳房之屬

扎哈沁 係防守邊界坐卡倫巡查訪察一切事
務

烏魯特 係管鐵匠鑄造器械者

阿爾塔沁 係司繪塑佛像一切事務

包齊那爾 係管理軍管鎗礮等項事務

包沁 專司礮者

右制自台吉以下各有部分宰桑以下各有游

牧處所及所轄人戶考其舊制有四衛拉特二

十四鄂拓克九集賽二十一昂吉之名並紀於

後

舊四衛拉特

綽羅斯 都爾伯特 和碩特 土爾扈特

後四衛拉特

綽羅斯 都爾伯特 和碩特 輝特

按策妄阿拉布坦時與土爾扈特構釁土爾扈特因率其所部西北去乃名輝特為四衛拉特之一四衛拉特分統噶爾全部各有台吉而綽羅斯尤為之長

舊十二鄂拓克

烏魯特四宰桑人五千戶為一鄂拓克

喀拉沁一宰桑人五千戶為一鄂拓克

額爾克騰一宰桑人五千戶為一鄂拓克

克里野特二宰桑人六千戶為一鄂拓克

卓托魯克一宰桑人三千戶為一鄂拓克

布庫斯一宰桑人三千戶為一鄂拓克

阿巴噶斯哈丹各一宰桑共人四千戶為一鄂

拓克

鄂畢特一宰桑人三千戶為一鄂拓克

鄂羅岱二宰桑人三千戶為一鄂拓克

多果魯特一宰桑人四千戶為一鄂拓克

霍爾博斯一宰桑人三千戶為一鄂拓克

綽和爾一宰桑人三千戶為一鄂拓克

後十二鄂拓克

巴爾達木特三宰桑人四千戶為一鄂拓克

庫圖齊納爾五宰桑人四千戶為一鄂拓克

噶爾襟特三宰桑人四千戶為一鄂拓克

沙拉斯二宰桑人三千戶為一鄂拓克

嗎呢斯一宰桑人五千戶為一鄂拓克

布庫努特一宰桑人二千戶圖古特一宰桑人

五百戶為一鄂拓克

烏拉特一宰桑人三千戶為一鄂拓克

阿爾闡沁一宰桑人五千戶為一鄂拓克

扎哈沁三宰桑人二千戶包沁三宰桑人一千戶為一鄂拓克

奇爾吉斯四宰桑人四千戶為一鄂拓克

特楞古特四宰桑人四千戶鄂爾楚克一宰桑人五百戶烏爾罕濟蘭一宰桑人八百戶為一鄂拓克

明阿特二宰桑人三千戶為一鄂拓克

舊五集賽

阿克把集賽二宰桑人四千戶

賚嗎里木集賽一宰桑人一千戶

杜爾把集賽一宰桑人一千戶

推素隆集賽一宰桑人一千戶

伊克胡拉爾集賽一宰桑人一千戶

後四集賽

溫都遜集賽一宰桑人一千戶

善披領集賽一宰桑人一千戶

桑堆集賽一宰桑人三百戶

品陳集賽一宰桑人三百戶

二十一昂吉

達瓦齊一昂吉

達什達瓦一昂吉

多爾濟丹巴一昂吉

噶爾藏多爾濟一昂吉

訥默庫濟爾噶爾一昂吉

鄂齊爾烏巴什一昂吉

策凌一昂吉

達什一昂吉

伯什阿哈什一昂吉

沙克都爾曼濟一昂吉

塔爾巴哈沁薩音伯勒克一昂吉

和通額默根一昂吉

多羅特舍楞一昂吉

敦多克一昂吉

巴雅爾一昂吉

車凌班珠爾一昂吉

巴圖爾額默根一昂吉

阿睦爾撒納一昂吉

諾海奇齊克一昂吉

巴圖爾烏巴什一昂吉

敦都布一昂吉

按鄂拓克為汗之屬昂吉為各台吉戶屬鄂拓克游牧之地環於伊犁昂吉游牧地又環諸鄂拓克之外準部一切供賦及重大差務則鄂拓克承輸若零星供給合二十四鄂拓克二十一昂吉均輸焉鄂拓克視八旗都統昂吉視外省督撫昂吉者準語部分也集賽專理喇嘛事務初為五集賽後增其四成九集賽亦各領以宰桑畧如鄂拓克之制乾隆二十年達瓦齊執歸

京師準夷全部內屬

皇上以取亂侮亡之義行興滅繼絕之仁四衛拉特各封一汗官則仍其舊制易以新銜授四圖什墨爾為內大臣授六扎爾扈齊為散秩大臣以管理鄂拓克昂吉之事未嘗有其地而遽易其俗也奈舊部稔惡構煽相尋

尺獸其亂一苞三蘖漸即誅夷洎乎掃穴犁庭設官更始無復舊規固因其悖德擾紀不獲延承世裔而

化冒昧為光明冠裳圭組之盛有當為衛拉遺
黎辛逢斯會者而我

國家茂集膚功萬年篤祐之由來洵非人力所能幾
及矣

漢書西域傳都護韓宣奏烏孫大吏大祿大監皆
可以賜金紫印綬以尊輔大昆彌許之

唐書回鶻傳鐵勒十一部皆來言願歸命天子請
置唐官引見渠長等以唐官官之皆以首領為都

督刺史其都督刺史給元金魚符黃金為文

此西域之臣受中國官者

漢書西域傳烏孫國相大祿左右大將二人侯三
人大將都尉各一人大監二人大吏一人舍中大
吏二人騎君一人岑陬者官號也昆莫王號也後
書昆彌云烏貪訶離國輔國侯左右都尉各一
人單桓國輔國侯將左右都尉譯長各一人
蒲類國輔國侯左右將左右都尉各一人蒲類

後國輔國侯將左右都尉譯長各一人

北史突厥傳大官有葉護次特勒次俟利發次吐毛發及餘小官凡二十八等皆世為之處羅可汗分統所部居龜茲北官有俟發閭洪達以評議國事

唐書突厥傳突厥別部典兵者曰設子弟曰特勒大臣曰葉護曰屈律啜曰阿波曰俟利發曰吐屯曰俟斤曰閭洪達曰頡利發曰達干皆世其官而

無員限回鶻傳回鶻署官吏壹似突厥有外宰相
六內宰相三又有都護將軍司馬之號 堅昆國
其官宰相都督職使長史將軍達干六等宰相七
都督三職使十皆典兵長史十五將軍達干無員
此西域之設官於本國者

按史傳所載漢烏孫唐突厥諸官職或倣中國
名字或仍本國舊號大率畧而弗備準部為突
厥故墟而史傳所載葉護特勒屈律啜俟利發

諸名不特與準語絕殊即推之蒙古回部西番
均不相合世代曠渺流傳判異有難於牽合附
麗者至於班史稱烏孫大吏等皆賜金紫印綬
其時雖受漢官而仍為彼國之臣以用事今準
夷全部滌瑕蕩穢建官分職與之更始至治維
新我

聖朝措置規為誠度越漢唐遠矣

欽定皇輿西域圖志卷二十九